

# Premier Krutshchev a termina su mision di su bishita na Estados Unidos

WASHINGTON, 28 sept. — Dilanti di Blair House, na unda prome ministro Krutshchev a keda durante su bishita na Washington, e Ruso a duna presidente Eisenhower man pa tuma despedida. E dos lidernan di estado a tene man pa como 2 minuut, mientras cu nan tabata papia. Eisenhower a priminti su huesped cu lo e hiba henter su familia cune, dia cu e bishita Rusia. Anteriormente Krutshchev a tuma despedida di Merca, durante un conferencia di prensa y via television. Algun cien periodista a tende Krutshchev bisa cu el a ripara e recepcion frio cu el a hanja algun biaha, pero cu mayoria parti dje periodistanan tabata mas obhetivo posible.

Krutshchev a bisa cu e no tin duda cu Presidente Eisenhower ta sincero den su deseo pa mehora e relacionnan cu ta existi entre Merca y Rusia. E ta di opinion cu Presidente Eisenhower ta den un posicion mas dificil cu e pasobra ta evidente cu na Merca tin influencianan mas poderoso ainda, cu ta contra mehoracion dje relacionnan entre Merca y Rusia y reduccion dje tension internacional. Mester corda esei, asina Krutshchev a bisa. Pero mi ta kere cu al fin sano luicio lo gana den reglamento di cooperacion internacional, asina el a conclui.

Su discusionnan cu Eisenhower na Campo David tabata "cordial", asina Krutshchev a bisa. Tabata existi hopi acuerdo den e comprendimento mutuo pa puntanan di bista di otro y e comprendimento dje necesidad pa mehora e relacionnan entre ambos pais. "No ta asina facil pa elimina e earganan cu a aumenta durante e anjanan aki di guerra frio", asina Krutshchev a bisa.

Aunke cu el a conoce e mericanonan pa 12 dia sol, e por bisa cu e ta gusta nan. "Nan ta desea paz, mesos cu e habitantenan di Rusia", asina el a bisa.

Algun hora prome cu el a bai Rusia, Krutshchev a dirigi su mes na e mericanonan via television cu e palabranan: "Bonochi, amigonan mericano".



NIKITA S. KHRUSHCHEV

TEXAS FURNITURE STORE  
voor  
NORDMENDE RADIO

## GRAN EXHIBICION di e famoso mueblenan ELTINK

den  
**SOCIEDAD BOLIVARIANA**  
for di dia 1 te 6 di Oktober  
Oranjestad: tur dia for di 5'or di atardi 10'or di anochi  
Diasabra y diadomingo: for di 10'or di mainta te 10'or di anochi.  
— Reserva un anochi pa e gran exhibicion unico aki  
— Cada 100 visitante ta ricibi un precioso sorpresa  
— Bo por eschela na bo gustu na prijsnan razonable  
— Expertonan lo ta na bo disposicion durante e gran show  
— No perde e oportunidad aki  
— ENTRADA GRATIS.

ELTINK MEUBELN

y mas den e contacto entre e dos paisnan.  
Nixon a bisa: "Nos ta kere cu bo bishita por nifica un paso importante den hanjamentu di un manera pa solucionacion conflictu cu medionan pacifico".

### Yegada di Krutshchev na Rusia

Inmediatamente despues cu el a yega Moscu bek. Prome Ministro Krutshchev a bai stadion di Yuzynki na Moscu den mes auto cu Presidente Woroshilof di Rusia, na unda sa tin un asamblea masal tradicional despues di cada biaha cu Krutshchev haci pa paisnan estranhero. Un periodista di Radio Moscu a informa cu tabatin un multitud enorme di hende para eintu di caminda for dje aeropuerto

## EISENHOWER den conferencia extraordinario di prensa

WASHINGTON, 28 sept. — Awe presidente Eisenhower a informa na su conferencia extraordinario di prensa na Washington, cu tanto e como Krutshchev a splica nan puntanan di bista loke respecta China Comunista, durante nan discusionnan. Nan a conclui, cu ta inutil pa sigi discuti e asunto, pasobra nan puntanan di bista tabata net contrario.

Eisenhower a bisa cu su discusionnan cu Krutshchev a haci posible pa elimina algun amenza pa Berlin, y pa realiza un acuerdo silencioso, segun cual e discusionnan dje asunto aki lo no cuminsa riba ningun fecha preciso, pero cu nan lo no keda suspende indefinidamente. Si Eisenhower a bisa cu el a discuti e problema di Berlin hopi cu Krutshchev, pero cu nan no a menciona negociacionnan, pasobra otro partidnan interes den e asunto, particularmente alidnan di Merca, no tabata presente.



DWIGHT EISENHOWER

Eisenhower a conmemora cu comunicacion oficial ta bisi di e discusionnan, cu e discusion di Berlin lo cuminsa atrobe, despues cu tuma medidnan apropiado. Eisenhower a bisa cu e negociacionnan aki lo ta pa hanja un solucion, cu lo proteha interesnan dje alemanan oriental y esnan occidental.

Eisenhower a afirma, cu e decision pa pone su bishita na Rusia a word tuma na su linea na Gettysburg, despues cu el a discuti e asunto cu su familia, na cual discusion Krutshchev y su nietunan a tuma parti.

Eisenhower a declara cu e prome cos cu e ta desea di compra na Merca ta un helicoptero manera esun cu Eisenhower lo usa como "articulo di uso domestico".

Eisenhower a declara, cu e no a discuti detalladamente dje sistema di control y inspeccion di eventual desarme, cu Krutshchev.

Eisenhower a elogia actitud di pueblo mericano durante e bishita di Krutshchev, loke a duna e ruso oportunidad di comprende mehor e aspiracionnan di pueblo mericano y nan deseo profundo pa paz.

te na e stadion. Nan tabata bloquee caminda y e auto dje Prome Ministro mester a core masha poco poco.

"Na obstante e circunstancianan complica na Merca", asina Krutshchev a bisa e hendenan den e stadion. Presidente di Merca a demostra curashi tochi, door di propone pa tene un intercambio di bishita. E tabatin sigur, cu lo nos acepta e man cu el a extende y e no a worde ganja".

Krutshchev a elogia Presidente Eisenhower bisando: "El a haci tur loke ta posible pa organiza e encuentronan aki na e nivel aki".

Krutshchev a bisa respecto su bishita na Los Angeles: "Mi a contesta e enemistad cu e alcalde di Los Angeles a demostra, bisando: 'Si bo ta dispuesto ainda pa tene negociacion, si bo no ta desea pa termina e guerra frio, nos por warda. Cerca nos tur cos ta bai bon y nos pueblo a demostra cu e por defende paz'".

"Mi ta kere despues di mi discusionnan cu Presidente Eisenhower, cu e presidente mericano ta desea terminacion dje guerra frio sinceramente", asina Krutshchev a declara.

Eisenhower a bisa, cu el a invita Krutshchev pa discuti cierto causa dje tension internacional y cu e tabata di opinion, cu e bishita aki y e discusionnan cu lo tuma lugar durante e bishita, lo ta util pa paz. Si mi a alcanza algo, mi mester gradici pueblo di Merca, asina Eisenhower a bisa, expresando su gratitud na e autoridanan local pa nan actuacion pa garantizar seguridad di Krutshchev.

Pueblo mericano a demostra cu e tin un madurez politico pa penetra e palabranan di un homber, cu ta haci propaganda pa un concepto di bida cu ta directamente contrario cu di nan. Si cu nan ta larga e concepto di conquista nan.

Eisenhower ta di opinion cu e Prome Ministro ruso ta dinamico e interesante. E ta di opinion cu ta un persona, cu por usa tur posible medio pa splica su punto di bista, cu e tin un personalidad excepcional y cu e ta dispuesto na bandona un actitud negativo pa ocupa un posicion concreto y noble.

Eisenhower a observa respecto e welga den industria di stal na Merca, cu el a fada di continuacion dje welga y cu lo e haci tur loke ta posible pa terminela. El a nenga di bisa, si e tin intencion di haci uso dje ley Taft-Hartley, cu ta dunela oportunidad di ordena cunizamentu di trabao den e companianan di stal pa 80 dia.

**Lucha pa paz na Argelia**  
TUNES, 28 September. — Aunke cu e ta dispuesto na sigui lucha pa liberacion di Argelia, e gobierno provisional di Republica Argelino lo no ignora ningun oportunidad pa hanja paz. Esaki ta en hecho e contesta dje rebeldanan argelino riba e proposicionnan di Presidente De Gaulle.

Gobierno provisional di Argelia semper lo defende derecho di pueblo argelino, pa determina su propio destino.



President di Francia Charles de Gaulle ta duna splicacion na Paris tocante su plannan pa forma paz cu Argelia.

## Eilandraad ta reuni diarazon

ORANJESTAD — Mayan, 30 di september Eilandraad di Aruba lo tene un reunion cu ta cuminsa 8'or di anochi. E agenda ta consisti di 15 punto.

- Cartanan ricibi:
- Relato di Pensioenfondos durante '58 di obreronan di Gobierno.
- Relato di Algemens Pensioenfondos di Antillas Neerlandes durante 1958.
- Relato di anja 1958 di Curacaoase Bank.
- Modificacion di eilandsverordening di e Reglemento di orde di eilandraad Aruba.
- Carta i Bestuurscollege fecha 9 di september 1959 pa haci e santana di gobierno na Oranjestad mas grandi.
- Carta di Bestuurscollege fecha 9 di september 1959 pa pidi aparato nobo di congelacion pa plaza na Oranjestad.
- Proyecto-eilandsverordening pa modificacion di begroting pa 1959 (segundo modificacion).
- Modificacion di arreglo di salario pa Secretario di territorio insular Aruba 1951.
- Peticion di miembro di raad E. O. Petronia pa cancelacion di articulo 13 di Eilandenregeling.
- Peticion di miembro di raad E. O. Petronia pa dispensacion di articulo 13 di Eilandenregeling.
- Eilandsverordening condicionnan general di telefoondienst 1959.
- Tarifnan pa telefoondienst 1959.
- Carta di Bestuurscollege tocante casnan di transformadornan banda di bestuurskantoor na Oranjestad.
- Carta di Bestuurscollege tocante sigurdadnan na beachnan di Aruba.
- Carta di Bestuurscollege tocante derechonan di importacion cu Stichting Cultureel Centrum Aruba a paga.
- Relato di Algemene Rekenkamer tocant 1958.
- Carta di Bestuurscollege tocante peticion pa terreno pa comunidad di Israelitanan.
- Eilandenverordening pa fijacion di terminacion di rekening tocante anja 1955.
- Apelacion di C. O. Richardson contra decision di Bestuurscollege cu a kita su permit di hurtauto temporalmente.
- Peticion di Bestuurscollege pa autorizacion pa hiba a cabo un proceso.
- Idem.

## General Liefthinx di 1 te 3 october na Aruba

ORANJESTAD — Di regreso pa Holanda di su bishita di Merca, na unda e presencia e eheccionnan di Marinierman, general-majoor H. J. Liefthinx, commandant di Cuerpo di Marinier Holandes lo haci un bishita cortico di inspeccion na Antillas, un bishita, cu ta Dia 2 di oct. 8'or di mainta nan lo te 3 di october.

Naturalmente na Savaneta nan lo demostra diferente eheccionnan pa e general y segun ta wordo spera nan lo pone e accento mas tantu posible e bishita aki riba demostracionnan cu e botonan nobo di rubber cu buitenboordmotor, cual nan ta yama "Zodiaks". No ta masha tempo cu nan tin e botonan aki y ultimamente nan a practica hopi cu nan.

Dia 2 di october 8'or di mainta lo tene eheccionnan na California na unda e general-majoor tambe lo ta presente. Diabierna anochi lo tin un recepcion den longroom di Marinierskazerne na Savaneta na ocasion di e bishita excepcional aki.

## Confirmacion y prome Sta. Comun-ion durante November

ORANJESTAD — Durante November den tur parokianan di nos isla lo tin confirmacion, mientras cu den dos parokia lo tin prome sta. Comun-ion. Esakinan ta na Paradera y na Noord, respectivamente dia 21 y 22 di november. Confirmacion lo tuma lugar na siguiente parokianan y fechanan: Oranjestad 14 november, santa Cruz 15, Dakota 16, Brasil 18, San Nicolas 21, Paradera 22 y Noord tambe dia 22 di november. Dia 14 di november Obispo di Willemstad ta wordo spera na Aruba.

## FUTBOL

## FUTBOL

## ARUBA VOETBAL BOND

ta presenta

Awenochi, 29 di september pa 7.30 p.m.

den

WILHELMINA STADION

TROPICAL S.C. vs. BUBALI S.C.  
A-klasse

ENTRADA: Tribune f 0.50 Staansplaats f 0.50

Dos mucha cu un kaartji

## FUTBOL

## FUTBOL

## Directiva central nobo di P.P.A.

ORANJESTAD — Durante un reunion diasabra pasa di directiva central di Partido Patriotico Arubano nan a eligi un directiva nobo cual awor a keda forma pa siguiente personanan:

President Jacobo Erasmus, vice-president Fabian Kelly, secretario Ernest Finck, tesoro Marcel de Cuba, comisionarios Hilario Marinus, Ernesto Petronia, Emiro Catharina, Frans P. Croes, Jose Leonardo, Jose Germaan y W. Carl Ansljij.

## Hotel ta hanja waf di 30 meter

ORANJESTAD — Siman pasa Aruba Caribbean Hotel a tene un destajo publico pa traha un waf pa mas facilidadnan di e deportistanan di laman. E prijsnan cu a worde ofrece ta lo siguiente:

Bouwuij, "Aruba" N.V.	Fl. 32,000.—
Petrona & Croes	Fl. 35,500.—
Kapitein Zee	Fl. 36,200.—
Bohama N.V.	Fl. 38,600.—
Byerlite	Fl. 40,760.—

Originalmente nan tabatin planea pa traha un waf di 45 meter largu, Aruba ta hanja cu e gastunan pa tal conferencia ta sali pashu costoso, y pa tal motivo nan a suplica na e dosnan ultimo cu a duna prijs, pa nan haci un calculacion di 30 meter so e bishita aki. Tambe durante e di dos prijs aki Bouwmaatschappij tabata esun di mas abao den su prijs. E waf aki mester ta eila cinco siman despues cu e contrat a worde firma. Pero e trabao no a worde concede ainda na ningun dje competidornan.

## Pader Fick lo predica den misa di Fatima

ORANJESTAD — Segun pastoor Lensen a informa nos pader F. B. Fick pronto lo bini Aruba pa tene dos predichas den misa di Fatima, esta dia 8 y dia 9 di october, pa di tal manera prepara e parokianan pa e consagracion dje misa nobo dia 12 di october. Pader Fick kende ta altamente aprecia na Aruba principalmente pa e parokianan di Dakota tabata e prome bouwpastoor cu a cuminsa cu e planonan dje misa aki.

## Frater Engelbertus di St. Paulusschool ta pasa Aruba

SAN NICOLAS — Den circulanon di Club Surnam nan a forma un comite chiki algun dia pasa pa preparacionnan pa ricibi frater Engelbertus kende antes tabata hefe di St. Paulusschool na Pararamaribo. Intencion ta pa dunela un cordial bon bini na Aruba. Frater Engelbertus ta wordo spera dia 5 y 6 di october. Nan ta preparando un fiesta pa dia 5 den Club Surnam y ta suplica tur e "Paulistanan" pa ta presente pa

saluda nan director bien. Interesadoan cu kier mas informacion por acudi serca seniores Jo d'Aguiar (tel. 5395), E. F. Lo (tel. 5364), Z. Towon (tel. 5495), I. Chechin y H. (Don Simon) Samson (tel. 1774).

## Pastoor Bartels a muri

WILLEMSTAD — A alcanza nos e noticia tristo cu pastoor Bartels O.P. a muri den Senor. Pastoor Bartels tabata bon conoci na Aruba, unda e ta traha hopi anjanan largo.

Cu e sosega na paz.



Pelca

ORANJESTAD — Diadomingo atardi nan a pidi asistencia di polis den Wilhelminastraat, pa motibo cu R.T. tabatin un pelca cu tres portegones. E la hanja un wovo blauw y nanishi kibra. E portegonesnan a corre bai ora cu nan a tende cu polisnan tabata yegando. T. a declara di no kier hiba e caso padilanti.

## Preferencia atrobe

Den cruzamento di Enmasstraat y Arendstraat dos auto a forma un choke atrobe diadomingo atardi. Tabata A-358 azul mar. P. P. C. H. v.d. V. tabata stuur y un otro auto azul H.P. tabata stuur. Causa dje accidente motibo cu un di nan no a duna preferencia di caminda. Danjo fl. 350.—

## Cas di tabla a kima

Den anochi di diadomingo pa dialuna un casita di tabla di E.O.I. cu ta situa na Boerbaevestraat a kima completo. Brandweer a bin yuda si, pero como tabata cas di tabla cuba no a resta muchu cos. Nan ta investigando motibo dje candelaki.

FATUM — Tel.: 1845  
Pa tur bo aseguranan

## Ruman cu rumen na Siribano

Diadomingo atardi gaba a pidi asistencia di polis pa e conocido B.D. kende tabata pleitu cu su rumen S.D. Tabata un pelca basta fuerte. B. kende a mira polisnan presenta su dilanti a tumba un carreta pa den cimen. Despues polisnan a banjele tochi y a ponele len cel, como e tabata bao influencia di alcohol.

## No ta chansal

Diadomingo anochi tabatin un pelca serio tambe na Rooi Bosal, na unda H.M. y E.M. tabata combati otro. Dokter Van Dongen mester a heftu un herida di 8 cm. den cabes di E. kende a hanja un golpi cu un pida palu. Un otro cu a trata di separa e dos brinzadornan tambe a hanja un herida den su frente, cual dokter mester a gancha tambe.







## Interrupcion di Corriente

Pa motibo di trebaonan necesario, corriente lo worde interrumpi dierazon 30 di september 1959 for di 8'or te 10 or di mainta den vecindario di:

Spaans Lagoen  
Pos Chiquito  
Spaans Lagoen nieuwe politiewoningen

N.V. ELECTRICITEIT-MAATSCHAPPIJ „ARUBA“



**GRATIS....GRATIS**  
Bo por hanja un holoshi  
marco **Zodiac**  
Con...?  
Fasa cerca nos y bo ta  
hanja un folder di **Zodiac**  
cu tur informacion.

TEL 1193  
NASSAUSTRAAT 47  
ORANJESTAD

## STA. CRUZ STARS A GANA DOS SIGI DI PLAY-OFF PA MANDA AMSTEL DEN CLASE „A“

Bon pitcheo di Crismo Angela y Yonko Alberts

Di nos sportreporter

**O'STAD** — E play-off entre Sto. Cruz Stars o worde dicidi durante e ultimo fin di siman ora cu e noveno santacruz zero a sorprende obteniendo dos victoria sigi. Gonondo e play-off den e forma aki e streyonan ta hanja derecho di porticipo den clase AA durante e proximo temporado di baseball. Despues cu Amstel a gana e promer wega diorazon anochi, nan o perde diavieirne anochi y diadomingo mainta.

Sta. Cruz Stars a cuminsa malo den e segundo partido. Nan pitcher, estelar Crismo Angela tabata dun box y a cubri henter e ruta obteniendo e triunfo. Pa Amstel a lanza Dulkerker, Jack y por ultimo Pantophlet tambe. Ya den e promer inning Amstel ta bai adiflani cu tres anotacion. Error ariha balazo di Papin Wilson y di Tenchi Hofstijzer yuda cu hit di Gansha Richardson y di Chippy Richardson in pereura pa e promer tres carreman di Amstel.

Den e tercer episodio e cervicero nan ta bolbe cruza home. Gansha Richardson ta habri embasando cu error

di rightfielder. Error di segunda base ta ponele den posicion di anota. Despues cu Amaya ta ricibi base por bola y Chippy Richardson ta pancha pa promer out. Pantophlet ta conecta tuhey den rightfield empuhando Gansha cu e carrera number cuatro di su club.

Cu un carrera mas anota den inning number cuatro. Amstel ta aumenta su ventaha te 5-0. Wilson despues di promer out ta yega safe cu error di short y ta anota luego ariba hit di Sonny Richardson y error rha batazo di Gansha Richardson.

Pitcher Dulkerker ta colga cinco cero sigi pa Sta. Cruz Stars, cerrando tur e cinco inningnan cu pas di canga. Tras di e fly di Crismo Angela pa primer out den e sexto inning di Stars. Gregorio Angela y Cranston ta conecta single y tubey respectivamente. Angela a anota cu e hit di su companjero. Cranston, kende a cruza home cu un passball. Den e septimo inning e partido ta empatar ora cu Stars ta cruza home tres biaba.

Jonko Alberts, defendiendo tercerabase den e wega aki, ta conecta di single y roba segunda. Gumbis ta ricibi pasage gratis y fielder's choice rha batazo di Marco Angela ta lag'e yega safe, mientras cu Alberts ta anota. Gregorio Angela-luego ta conecta hit. Gumbis y Marco Angela tambe ta anota, pa empatar e partido na 5 carrera pa banda. Un base por bola, un single y dos tubey respectivamente pa Dirks, Rasmijn, Jonko Alberts y Marco Angela a pectura pa tres carrera mas di Stars den e octavo inning. Aki e score a bira 8-5 na favor di Stars y e partido a worde dicidi.

Crismo Angela contando cu mihor respaldo awor di su companjeronan den fildeo ta domina e toletoronan di Amstel y for di den e cuarto inning, den cual e ultimo carrera di Amstel a worde anota, ningun hungador cervicero a pisa segundabase mas.

E partido a termina pues cu un vic-

toria di 8-5 pa e novena di Sta. Cruz loke a empatar e play-off.

Crismo Angela ganador a ricibi cinco hit tur conecta den e promer cuatro inningnan. El a regala tres base por bola, mientras cu cinco cervicero a come ponche.

Contra di e tres lanzadonan di Amstel Stars a conecta un total di 7 hit, ricibi cuatro base por bola y come cinco ponche.

E partido decisivo di diadomingo

Como cu ambos a gana uno di e dos promer enuentronan diadomingo mainta un partido decisivo mester a worde hunga. Mientras cu Stars a bin mas inspira y cu mas confianza ya cu nan ta hunga mucho poco biaba anochi pa por duna bon wega. Amstel visiblemente debilita. Tenchi Hofstijzer, Mead, Chippy Richardson y Pantophlet tabata na wega, mientras cu tampoco manager Gibbs tabata presente.

Yonko Alberts a worde designa pa ocupar e monticulo pa Sta. Cruz y a haci un masha bon trabao. Su equipo e biaba aki a responde por fildeando bon y bateando oportunamente.

Clarence Jack tabata e lanzador utiliza door di Amstel, kende tambe a lanza bon, pero mester a carga cu e derrota.

Tabata un bon partido den cual a sobresali e poco erronan cometi. Pa ambos banda apenas uno, like ta proba cu e streyonan di Santa Cruz ta brillu den dia mucho mihor cu anochi. Despues cu e dos promer inningnan ta pasa den blanco, den e tercer Santa Cruz ta tuma delantera cu un ravita. Hit di Yonko Alberts, fly den rightfield di Dirksy tubey di Wester ta pectura pa Alberts cruza home cu e promer carrera di wega.

Mientras cu pitcher Alberts ta aolga eero tras di cero na e cerviceroonan. Sta. Cruz Stars ta anota den e quinto inning atrobe. E biaba aki nan ta logra curza home dos biaba pa pone nan total na tres.

Gumbis a habri cu base por bola. Cranston ta sali cu roller pa primera adelantando Gumbis te segunda. Alberts tambe ta ricibi pasage gratis, mientras cu e siguiente Pedro Dirks ta fly out den leftfield. Otro tubey, su segundo, di Wester ta empuha tanto Gumbis como Alberts, pa pone e wega 3-0 na favor di Stars.

For di den e promer inning cu Marlin a conecta un tribey e siguiente 7 inningnan ta pasa sin cu e cerviceroonan logra alcanza tercerabase. Ocho

E ta sigi riba pag. 4

## CUMPLEANJOS



Hopi felicitacion ta bay awe pa Tu-  
lu Rafini, kende ta cumpli 19 anja, pa  
part di su mama Maria Rafini, am-  
go Modesto Croes, y di Meda Kock  
y Miro de Cuba.

Senjora Carmen Geerman ta cumpli  
24 anja y ta ricibi felicitacion di su  
esposo Ricardo, jiu Ludwina, tambe di  
su mama, tata, 10 rumannan, suegro  
Placido, suegra Stebanita, 4 swanan,  
y tur familia Geerman.

E simpatico caballero Adolf de Cu-  
ba ta celebra su feliz cumpleaños y  
ta ricibi felicitacion di su mama Re-  
na de Cuba, rumannan Nico, Agnes,  
Bill, Reni, Mai, Elsa, Loi de Cuba,  
cuja Tida de Cuba sobrinu Ety de  
Cuba y di tur su amiga y amigonan.

Senjor Placido Geerman y senjora  
Stebanita Geerman ta cumpli 25 anja  
di feliz union matrimonial y ta ricibi  
felicitacion di nan jiuonan Ricardo, Ni-  
colina, Trina, Ramiro, Edwin Geer-  
man, suegro Willem, Nicolaas, suegra  
Carmen Geerman, nietonan Elfrain,  
Robert, Ludwina y denas familia.

Ta celebra su fecha natal sra. Sara  
Maria Quandus de Tromp y ta ricibi  
felicitacion di su 2 jiuonan Howard y  
Franklin, tambe di su tata y mama,  
y tur rumannan.

## PA REGALOS

Ningun caminda mihor y ningun

caminda mas conveniente cu na

**Caribbean Shop**

Ta celebra nan 4 anja casa senjor  
Willem Nicolaas y Nicolina Nicolaas  
y nan ta ricibi felicitacion di nan 2  
jiuonan Efraim, Robert, di Stebanita y  
Placido, rumannan Ricardo, Trina,  
Ramiro, Edwin Geerman, di Carmen  
y Ludwina Geerman.

Senjora Carmen Geerman ta ricibi  
felicitacion di su esposa Ricardo, jiu  
Ludwina, suegra Stebanita, suegro  
Placido, swanan Nicolina, Trina, Ra-  
miro, Edwin Geerman, di Efraim, Ro-  
bert y Willem Nicolaas y demas fami-  
lia Geerman.

E simpatica senjorita Helena Kock  
ta celebra su 16 anja di feliz existen-  
cia y ta ricibi felicitacion di su tata  
Agustin Kock, mama Chela, rumannan  
Milo, Reineke, Andres, Ursula,  
Evidencia, Leopoldo, Mario, Edmund,  
Nicolaas y Alberto Kock, cuinjanan  
Mario Boezem, Goita Kock, Rita  
Kock, sobrinanan, sobrinu Franklin y  
Frecky Maikel Kock, Sidonia y Lina  
Boezem, Elvira, Elsa, Lilia y Vilma  
Kock, amiganan, Edna y Marian Tho-  
de, Josefa y Delia Boezem, Ursula  
Peterson, Azucena Henriquez, Deni-  
cia de Cuba y Conita Yarzagaray.

Senjora Dora Croes ta ricibi fel-  
licitacion di su estimado esposo Frans  
Croes, estimada jiuonan Ivonne, Henki,  
Sonny, Aureen Croes, tata Hendrik,  
mama Eufracia, rumannan Arturo,  
Aida, Eloy, Elsa Croes, cernere The-  
resita Croes, suegra Juchi, cuinjanan  
Bjro, Rosa, Adelicia, Chien Jossy,  
Chen, di Nora Croes, sobrinu Ronald  
Croes, tur su compere y comereonan.

Senjora Eufracia Croes ta ricibi un  
sincera felicitacion di su estimado es-  
poso Hendrik, Croes, estimada nieto-  
nan Ivonne, Henki, Sonny y Aureen  
Croes, suegra Theresita Croes, suegro  
Frans Croes, tur su rumannan y di  
Juchi, Rosa, Adelicia Croes, y di tur  
su compere y comereonan.

Awe ta recorda nan fecha natal:  
Dr. J. Oduber, Maria Angela Dijk-  
hoff, Edwin Geerman, Albertina  
Quandus, Julieta Michaela Hoerwitz,  
Miguel Quandus, Miguel Angel Hen-  
riquez, Editha Erasmus, Onzie Croes,  
Sonja Marlin Solognier, Carmen Geer-  
man, Olga Martinez, Angelica Kool-  
man, Blanca Thijssen, Willem Nico-  
laas, Nicolina Nicolaas.

Y ora en e tata a queda ta pensa  
sin responde nada el a continua:  
„Nos ta bini cla den number di  
Dios. Y pa mi bida bo cla, cu nos  
mester dal un bon frega, barri y  
blancha den e cas aki y pa haci tur  
e cosnan aki, bo ausencia ta casi  
un obligacion mes. Larga dokter  
Greg examina bo, pasobra mi ta mira  
cu bo n' ta bon. Haci eei maske ta  
pa mi cara, papa“.

E homber aki cu no tabata mu-  
cho amante di dokter a sinta ta hala  
su pipa tranquil ta pensa diciendo:

„Quizas otro siman quizas. Mi ta  
masha preocupa awor cu masha homi  
caso. Pero si acaso abo mes quier...“  
Nan no a mishi cu e tema die com-  
bacion e mas riba e dia ei. Pero  
Mary no a larga biento pasa den  
pasobra e mes dia ei el a haci un  
convenio cu e dokter di cas y e at-  
ardi ei mes e tabata conta Roger y  
Marjorie di exito di su encargo na  
Armstrong y tambe cu carinoso-  
mente el a ser trata.

E ta sigui

## Agenda

**CINE**  
Dieners 29 di september  
DE VEEB 8:30 Legend of the lost  
RIALTO 8:00 Ana Karenina  
PRINCIPAL 8:00 Tan bueno el giro como  
el colorado  
AURORA 7:30 The old man and the sea  
SAVANNA 7:30 The man that won the west

**EUROCENTRALE „LA SALLE“ ARUBA**  
Club Noerd: 6:30-9:30 p.m. Clubavond  
Trupleten: Juniores: 3-4 p.m. Zangies

**BOTICANAN DI WADA**  
ORANJESTAD: Botica del Pueblo  
SAN NICOLAS: Botica Central

**PARTERA DI WADA:**  
Zr. E. S. T. Braunmuller, Wilhelmus-  
straat 22 - Tel. 1335.

**RADIO VICTORIA**  
Dieners 29 di september

11:30 Apertura  
11:45 E Mundo Femenino  
12:00 Melodias di Meridia  
12:15 Ultimas Noticias  
12:30 World News  
12:45 Concert Hall  
1:30 Sian  
4:00 Musica di Banda  
4:15 Ecoman Celestial  
4:30 Cafe con Musica  
4:45 Waltzies Favorito  
5:00 Academia del Aire  
5:15 Palabranan di Bida  
5:30 Interio Musical  
6:00 Noticias  
6:15 Aulelante Juventud  
6:45 Tesoros Musicales  
7:00 Noticias Italianas  
7:15 Klasiieke Muziek  
7:45 The Bandstand  
8:00 World News  
8:15 Off the Record  
8:30 Back To The Bible  
9:00 Musical Oemans  
9:30 Unshackled  
10:15 Hymns that Live  
10:30 Sign Off

**RADIO CARACAS TELEVISION**  
Dieners 29 di september

8:20 Marcha Oficial, Himno Nacional  
8:25 Informacion Sobre los Programas  
del Dia  
8:30 Pelicula  
10:00 El Calendario de Mama  
10:30 Casas de Mujeres  
11:15 Femenidades y la Perfecta Ama de  
Casa  
11:36 Informacion Sobre los Programas  
del Dia  
12:00 Gran Show de las 12  
1:15 Amaluz  
1:30 El Imparzial TV  
2:00 Cortos  
2:30 Club Femenino  
3:00 Por el Ojo de la Cerradura  
4:00 Estudio di e Hector Monteverde  
4:30 Pelicula  
6:00 El Show de Benny  
7:15 El Tercer Hombre  
7:30 Na Daga Na Na Daga No  
7:50 El Observador Greco  
8:15 El Precio de la Vida  
8:30 Suspense con Alfred Hitchcock  
9:00 La Juula de Fire  
9:15 Cortos  
9:30 El Concerto Firestone  
10:00 Por el Mundo de la Cultura  
10:30 Morte es un Ley  
12:00 Marcha Oficial y Despedida

## VERF HORNAC

ta mas facil pa verf cu y ta  
waita mas tempo.

## J. E. P. CABENDA

Oude Schoolstraat - Oranjestad

## LUCHTPOSTSLUITING

Antigua: Ma. 9.00, Din. 15.30, Wo. 15.30 en  
Za. 15.30  
Argentina: Ma. 14.00, Din. 15.00, en Vr.  
8.00  
Bolivia: Ma. 14.00, Din. 15.00 en Vr. 8.00  
Brazilia: Ma. 14.00, Din. 15.00 en Vr. 8.00  
Br. Guiana: Ma. 14.00, Din. 15.00 en Vr. 8.00  
Canada: Ma. 9.00, Din. 8.00, Do. 8.00, Vr.  
15.30 en Za. 15.30  
Canal Zone: Ma. 15.30, Wo. 15.30, Do. 15.30  
en Vr. 8.00  
Caracas en: Ma. 15.30, Din. 15.30, Wo. 15.30,  
Do. 15.30, Din. 15.30, Vr. 15.30 en Za. 15.30  
Chile: Ma. 14.00, Din. 15.00 en Vr. 8.00  
Colombia: Ma. 15.30, Din. 15.30, Wo. 15.30  
en Vr. 8.00  
Costa Rica: Ma. 15.30, Din. 15.00, en Vr.  
15.30  
Cuba: Ma. 9.00, Wo. 9.00 en Vr. 9.00  
Curacao: Ma. 9.00-10.00, Din. 10.00-10.00,  
Wo. 9.00-10.00, Do. 10.00-10.00, Vr.  
9.00-10.00 en Za. 8.00-10.00  
Ecuador: Ma. 15.30, Din. 15.30, Do. 15.30,  
en Vr. 8.00  
El Salvador: Ma. 14.00, Wo. 15.30, en Vr.  
15.30  
EUROPA: Ma. 9.00-10.00, Wo. 9.00-10.00,  
Vr. 9.00-10.00, en Za. 16.00  
Fr. Guiana: Ma. 9.00, Din. 15.30, Wo. 15.30,  
en Vr. 8.00  
Guadalupe: Ma. 9.00, Din. 15.30, Wo. 15.30  
en Vr. 8.00  
Guatemala: Ma. 15.30, Wo. 15.30, en Vr.  
15.30  
Haiti: Din. 15.30, Wo. 15.30, Vr. 15.30 en  
Za. 15.30  
Honduras: Ma. 4.00 Din. 15.00, en Vr. 8.00  
Br. Honduras: Ma. 14.00, Din. 15.00 en Vr.  
8.00  
Jamaica: Ma. 8.00, Wo. 9.00, Vr. 9.00 en  
Za. 15.30  
Mexico: Ma. 15.30, Wo. 15.30, Vr. 15.30 en  
Za. 15.30  
Maracaibo: Din. 15.30, Do. 15.30, en Vr.  
15.30  
Martinique: Ma. 9.00 Din. 15.30, Wo. 15.30  
en Vr. 8.00  
Miami, Fla.: Ma. 9.00, Wo. 8.00, Vr. 9.00  
en Za. 10.00-15.30  
New York: Ma. 9.00, Din. 8.00, Wo. 9.00,  
Do. 8.00, Vr. 9.00-15.30 en Za. 10.00-  
Panama: Ma. 15.30, Wo. 15.30, Do. 15.30,  
en Vr. 8.00  
Nicaragua: Ma. 15.30, Din. 15.00, en Vr.  
15.30  
Paraguay: Ma. 14.00, Din. 15.00, Do. 15.30  
en Vr. 8.00  
Peru: Ma. 15.30, Din. 15.00, Do. 15.30 en  
Vr. 8.00  
Pto. Rico: Ma. 15.30, Wo. 15.30 en Za. 15.30  
St. Domingo: Din. 15.30, Wo. 15.30, Vr.  
15.30 en Za. 15.30  
St. Kitts: Wo. 15.30 en Za. 16.00  
St. Maarten en: Ma. 15.30 en Za. 16.00  
Suriname: Ma. 15.30, Do. 16.00 en Za. 15.30  
Trinidad en: Ma. 16.00, Do. 16.00 en Vr.  
15.30  
Uruguay: Ma. 14.00, Din. 15.00 en Vr. 8.00  
Vr. 8.00  
Virg. Eilanden: Ma. 9.00, Din. 15.30, Wo. 15.30,  
en Vr. 15.30

## TA SOLICITA PA HUUR

algun camber  
muebla  
den Oranjestad.

TE NA APRIL 1960

Informacion: Tarabana 28

„ULTIMAS NOTICIAS“  
obtenible na UNION STORE  
Mainstreet — San Nicolas

Rudolfo Mario  
Giovanni

E. Croes  
L. CROES-BOOI

Aruba, 26 september 1959.

## Territorio Insular di Aruba

Manera ta conoci caba, Telefoondienst ta cobra f. 1.--  
di gasto di administracion asina cu un abonado no a  
paga su telefoon prame cu dia 16 di e luna cu e debe.

Asina Ontvanger manda un aanmaning riba e  
mes un debe ey, e ta cobra ademas f. 1.-- di gasto di  
aanmaning

Ontvanger di Territorio Insular di Aruba ta parti-  
cipa abonadonan cu no a paga nan abono di Telefoon  
di luna di september 1959 cu aanmaning lo ser poni  
na post dia 1 di oktober 1959 y cu far di dia 2 di ok-  
tober 1959 la cuminsa cobra gasto di aanmaning tam-  
be pa e abonanan di september 1959.

Aruba, 28 september 1959.

## UN COMPROMISO QUIBRA

pa: Tuyuchi

No. 18

„No?“ El a queda ta mir'e profun-  
damente den su wowonan blauw y a  
ripira cu tabatin algo ta cende den  
die. Algo cu aparentemente tabata  
quinta su sintimentonan, manera un  
mot por quinta alanan ora cu e yega  
cerca vlam di un bela.

El a inclina over die mucha muhe  
y a tene su wowonan preso cu su mi-  
rada. Pero e ora ei e homber su ex-  
pressiona di cara a bira mas suave  
y cu gesto cortis el a quita su som-  
bre for su cabes.

Y sonriendo el a bisa:

„Pues, Miss Callistair, pa e palabra  
di sol ya eata di bini mi, mi ta bini  
kerki Diadomingo awor, aunque cu

„El a primi su lipnan riba otro y ta-  
bata forza su mes na logra bini na  
otro pensamentonan. E tabata corda  
awor cu Armstrong a pone su come-  
dor na nan disposicion pa parti e be-  
bidanan refrescante y esaki riba su  
mes caba tabata un triunfo eha riba  
Armstrong. Y Mary a logra cumpli  
cu su encargo y el a hanja loque  
cualquier otro lo no tabata por.“

„Apresentemente su tata lo mester a  
mira algo di triunfo y satisfaccion  
den su bistanan e anochi ei na mesa.  
Tabata parece e mucha mube cu awe  
e tabata mas palido su custumber, no  
obstante tur su animacion y algun bez  
el a insisti cerca e tata, pa esaki so-  
sega un poco. Y el a propone pa e  
hai logeer na un otro caminda pa e  
por goza algun dia di completa so-  
iego.“

„Pero, mientras nan a caba di sin-  
ta na mesa y cu Mary tabata warda-  
ndo su satisfaccion pa su mes, diri-  
piante e postema a rementa:

„Y Mary?aina bo no a conta mi  
algo di bo mes? Con a bai cu bo tra-  
bayan. Pa ta parece mi satisfeco.  
Com a...“

„En realidad n'a cansa mi culpa  
masha tanto awe, mi yiu“.

Awe tabata un di e dianan masha  
druk enherdada pa John Callistair. Un  
dje dianan cu tabata existi masha tan-  
to di un gradon. Un dje dianan cu el  
a desea di por a bai larga Balmuir  
masha leu tras di su lomba... cu

„Riba tur loque nos por a spera,  
tur cos a surpasa mi ideanan. Mi ta  
hanja Armstrong un persona masha  
carinoso. Y mi mester reconoce pa  
cu el a trata mi de lo mehor y  
m'a logra tur loque mi tabata desea  
foi dje“.

„Mi ta quere cu nan a haci un bon  
idea na scohe abo como propagan-  
dist, pasobra cu ho boca dushi y bo  
manja, ta quende lo por risca nenga  
bo nada? Bo tin enter aldea bao di  
ho mando. Naturalmente cu awor mi  
ta envidia bo un poco. Bo combersa  
plannan cun'e caha?“

„Si, awe noch Roger y Marjorie lo  
hini aqui y lo mi mester duna nan  
cuenta di mi encargo. Pero ta com-  
bo ta parece asina cansa den mi histan-  
man, papa? B'a cansa bo curpa mi-  
cho awe“.

„En realidad n'a cansa mi culpa  
masha tanto awe, mi yiu“.

su numero di pecudonnan amargo na  
Alice caminda den e aldea el a bi-  
shita cas di su-parroquianonan bon y  
malu, hoben y bieu, pover y ricu y  
tambe el a queda sinta ta combersa  
basta largu cu Dan, quende tabata un  
dje favorecionan di su muhe de-  
funto.

Y hafo di humamento di un pipa e  
dos hombernan aqui a combersa tur  
parashinan di dia Alice Callistair ta-  
bata na bida.

Pero pa satisfice y complace Mary  
cu cada bez tabata haci un of otro  
observacion di su cansancio, el a bi-  
s'e:

„Mi n' ta falta nada, mi bon yiu.  
Tur loque ta pasa ta esaki: Cu mi  
ta sinti cu mi ta cuminsa ta bira bieu.  
Y ora cu vehez cuminsa ta drena  
curpa di hende, ho n' por salba di  
dje ni de capotero“.

„Pero ta paquico bo n' ta jama un  
dokter, papa? Paquico bo n' quier  
sosega bo curpa un paar di dia. Bo  
mester bai logeer cualquier otro ca-  
minado, pasobra cambio di ambiente  
talvez lo sirbi como remedio pa bo“.



EL CISCO KID

1. "Ta dunami rabia di mira tarp ta gasta mi placa. Mi tin cu stop ele, pero awor no... nan lo por sorprendemi!" 2. "Mi ta warda un of dos dia... mi ta bai cas pa mi pensa riba mi plan." 3. Poco rato despues Cisco ta boer lei un skina... "E la bai."




JUAN EL INTREPIDO

1. "Aun teniendo e general preso, nos no ta logra nada..." 2. Poco rato despues e "general" ta presenta na porta y... "E general ta haci senjal..." 3. Y ora nan kier a cumpli cu su ordu, e dos chinitonan cu tabata disfraz cu e panjnan di e general ta bati nan cu klop.



DICK TRACY

1. E tanki di gasolina ta rebenta y ta cabia pronto cu e auto di Rhodent. 2. Pero ora e auto ta keda hau candela ningun hende ta sali lei di e auto... ni homber ni muher. 3. "Podise nos ta jega mucho laat..." Bo ta sinti e cugente di e vlamnan lei di aki."



RIP KIRBY

1. "Kiko ta pasando, sergeant?" 2. "Nan a hanja algun rastro di e Valei Desmond alla?" 3. "Polisnan no a anuncia cu nan a hanja su cadaver?" 4. "Mi ta kere cu e ta morto..." 5. "Y ta mi-hor tambe..." un bandido semper ta keda un bandido."



EL PRECIO DEL TRIUNFO

Hutchins y Peggy ta dispidi di Paula Boswor na Londres... 1. "No preocupa bo Paula; lo mi cera e contrato e siman aki!" 2. "Bon! Lo mi mira boso na New York siman cu ta bini!" 3. "Mi ta contento di por bolbe awor... algo a pasa Jessica... mi por a nota na su voz..." 4. "Bueno, Jessica, quico ta tan urgente? Quico bo quier pa mi haci?" 5. "Mi quier pa bo sali for di Lalo Saxon, mami... duncele su retiro!"



EL DIARIO DE UNA VIDA

1. "Ya boso sa... nos lo queda den nos camarote te un ora despues cu tur hende baha!" 2. "Si, si!" 3. Despues Muchanan... Sali awor, pasobra no tin warda costa! Mi sa pasobra ta masha quieto..." 4. "Awor nos ta den libertad..." 5. "Hola, hola! Sierte pa boso cu ni a tarda di sali lei di barco! Mi conoce e lugar, aki manera mi planti man."



PEPITA

1. "Mi a lubida loque Pepita a pidi mi pa hiba cu awe-nochi!" 2. "Lo mi hiba un caha di chuculati pa e no rabia mucho!" 3. "Ah! Bo no a lubida di trece e chuculati pa bishitanti?" 4. "Menos mal e biah a aqui si mi a rey bon. Esta suerte no!"



Sta. Cruz Stars a gana dos wega sigi

Continuacion di pag. 3

cero pitcher Alberts ta colga ocho cero sigi y permiti apenas tres hit den e inningnan ey. E noveno sin embargo ta trece salvacion di un blaqueada pa Amstel. Gansha Richardson a habri cu tubey. Sonny Richardson ta promer out cu ponche. Despues cu Halley ta ricibi base por bola, un passball ta permiti e dos corredornan adelanta pa tercera y segunda base respectivamente. Sharpe ta rolaa luego den infield y sali na primera di 5 pa 3, mientras cu Gansha ta provecha di anota. Un bon hugada di tercerabase Crisno Angela, kende a busca e out sigur na primera luga di home, Halley cu a adelanta pa tercera ta anota luego cu linea di hit conecta door di Amaya den centerfield. Passball ta pone Amaya den posicion di anota e carrera di empate pero te aki e amenaza di Amstel ta yega ya cu e siguiente bateador Pom ta come ponche pa out number tres, cual por cierto tabata e ultimo di e play-off. Santa Cruz Stars a pasa un susto den e segundo mitad di e noveno ora cu Amstel a reacciona cu dos carrera y poniendo esun di empatia na segunda, pero pitcher Alberts a caba di domina e situacion ora cu el a poncha Pom.

E score final a keda 3-2 na favor di Santa Cruz Stars, cu asina a obtene su segundo triunfo den e play-off, cual triunfo tabata esun decisivo, y

Buscando e mihor equipo di spear-fishing di Aruba

(Di Nos Sportreporter)

ORANJESTAD. — Den e pagina-nan aki nos a publica algun siman pasa e resultadonan di un interesante torneo cu a wordo teni entre mas di diez tirador di pesca di nos isla. For di e resultadonan ey oibeni a wordo forma awor cuatro equipo consistiendo di tres cada uno, cualnan ta compitiendo pa mira cual lo representa Aruba den e venidero Torneo Internacional di Pesca. Dia Domingo pasa e promer di tres encontreonan entre e cuatro equiponan a tumá luga.

Como number uno a termina cu un total di 344 punto e team di R. Colina (capitan), huntu cu N. Solognier y P. Bislick. Colina por cierto tambe a mata e piska di mas grandi e dia ey. Number dos a termina e team di G. Cham (capitan), E. Bislick y Clyve Lacle. Nan total tabata di 306 puntos.

Cu 285 punto a keda number tres e equipo di Holmo Henriquez, Martin Bislip, y Mike Hagendoom cual equipo tabata capitanea door di Henriquez.

Como ultimo a keda e equipo di Lionel Agumero (capitan), huntu cu D. Geerman y H. Lamonie. Nan a yega na unicamente 90 puntos.

E cuatro equiponan aki lo enfrenta otro dos biah mas, promer cu e comision yega na su decision final di com e equipo cu lo representa nos isla lo keda forma. Esaki lo bira e equipo pa defende e titulo gana anja pasa na Bonaire.

Sithoc ta bin hun-ga dos partido na Aruba

(Di Nos Sportreporter)

ORANJESTAD. — Durante e week-end venidero, e onega di Sithoc, conocido club di Corsow, lo bin hunga dos partido di futbol na Aruba. Nan promer wega lo ta dia Sabra anochi contra di un seleccion forma door di e equiponan SCA y Estrella, en lo worde hunga den Wilhelminastadion.

"Dia Domingo atardi nan lo enfrenta Jong Aruba den ASU Sport Centrum na Noord. E curazonenjan lo usa e mes avion cu cual RCA ta viaha pa Corsow durante e weekend pa tumar parti den e NABLO Sportweek. Manera ya nos a yega di informa RCA lo hunga dos partido na Corsow, uno contra di SUBT y otro contra di Jong Holland.

esun cu ta duna nan e derecho di bai competi den nos baseball di mas hal-to.

Sin duda algun cu pa nan seriedad den practicamente di e deporte e campeonnan clase A merece e elen-atel. Nos ta felicita nan sinceramentel.

Resumen: Jack pitcher perdedor a permiti 8 hit, regala 6 base por bola y poncha dos, mientras cu su equipo a comete un error.

Pitcher ganador Young, Alberts a permiti apenas cinco hit, regala tres base por bola y poncha un total di ocho. Su companjeronan a comete unicamente un error.

Indudablemente un bon partido den cual pitcher Alberts y Wester kende a conecta dos tubey pa anpuha tur e tres carreranan di su equipo tabata e heroenan di Stars.

Kiko Amstel lo haci awor?

ORANJESTAD. — Cu insistencia nos ta tende e rumornan cu ta circulando actualmente den circulan di baseball. Despues di perde e play-off contra di Santa Cruz Stars, e novena di Amstel lo nester baha pa clase A, mientras cu e santaruzeronan ta bai yuda forma e cuarteto di AA. E rumornan ta cu mayoria di e hungadornan di Amstel lo no bai hunga den clase A y cu club lo kibra. Su presidente, Sr. Janchi Tromp, a declara na nos cu e equipo lo partici den clase A cu e hungadornan cu ta desea di hunga. Ningun hungador ta obliga y esun cu ta sintie mucho bon pa clase A lo mester bandona e equipo.

Otro rumornan cu ta circula en relacion di e asunto aki ta cu den seno di directiva di ABBA ya a lanta voz pa mantene e cerviceronan den clase AA y hisa e cantidad di competidor di AA na cinco. Esaki lo nifica un excepcion riba un reglamento di ABBA. Nos no ta di acuerdo pa bai haci un excepcion den e caso aki ya en lo trece problemanan grandi pa arnan venidero. Pasobra si pa Amstel por tin un excepcion pakiko lo no worde haci uno pa e proximo equipo, cu termina den ultimo luga di e campeonato AA? Y asina lo sigi y e cantidad di equipo den AA lo bolbe aumenta.

Nos ta opina cu e sistema actual di cuatro equipo den e clase mayor ta magnifico y nos ta spera cu directiva di ABBA lo no comete e serio error di haci un excepcion y mantene Amstel den AA.

Nos huntu cu e fanaticonan di Amstel ta mira cu duce com e equipo aki a cai asina duro den poco tempo. Anja pasa nan a gana e titulo di AA. E anja aki nan a termina den ultimo puesto, pero den e torneo di Lago Sport Park nan a demostra nan capacidad atrobe y a duna fuerte bataya te den play-off cu Neshitt a gana. Y awor den play-off contra di e campeonnan clase A, despues di gana e promer wega, nan a perde dos sigi y nan derecho di keda den nos clase mayor. Pero ultimamente e equipo a decae hopi den su espirito di pelea, mientras cu varios di su bon hungadornan a demostra di tin poco disciplina y menos amor pa e club mes ainda. Talvez un anja den clase A lo por drecha e club atrobe y trecele na e nivel cu tantu anja largo el a ocupa den nos baseball.

HOROSCOOP di awe

ARIESNAN

Reconoce estorbonan financiero na tempo si acaso bo quier empenja na bo anhelonan. Aspectonan despues ta yuda bo na tuma pasonan luicioso. Interesnan di trabao y salud ta goza di preferencia.

TAURINAN

Awe bo ta hanja ocasion na haci algo masha interesante. Probablemente bo ocasion pa bo tambe bai dilanti.

GEMINIAN

Pone hopi atencion na bo trabao. Anochi tin encontreonan agradables. Amusa bo cu tranquilidad.



James Osgood (arriba na robez), 16 anja, y Vincent Ferrovicchio, 20, cada uno tin un diferente bijs, momento cu nan ta worde aresta na un warda di polis na New York pa motibo cu nan a ataka un homber bieu di 74 y a horta placa for di dje. Abao te Hector Bouillere, 17, despues cu tur cos ta regla cu e ta keda como testigo den asunto dje matamento dje dos muchanan di algun dia pasa na New York.

CANCERNAN

Sucesonan favorable ta bin trece un cambio den bo situacion, esnan cu ta yuda interesnan di bo familia. Trata cu nan tene comprensionnan cu amor.

LEONAN

Bo ta inclina na tuma un posicion equilibrado cu por perhudica bo interesnan. Usa tactico cu majornan y personanan mas bieu.

VIRGONAN

Percura pa bo no queda trapiamente parti di atardi. Anochi facilmente lo bo por hanja acoholda cooperacion pa bo desarolla bo iniciativa.

LIBRANAN

Usa bo sintir principalmente den cascan financiero cu tin relacion cu bo cariera y propiedadnan. Bao di e circunstancianan aki no lubda enfermo y necesitadonan.

SAGITARIUSNAN

Haci loque ta ser exig pa mantene bo posicion cerca hende te na top. Evita dispidimentu. Lazonan di amistad por ser fortifica.

SCORPIONAN

Tene contacto cu personanan cu ta di interes pa bo y bo deseanan. Un cambio favorable di sucesonan por presenta bao di influencia di pasonan social y financiero.

CAPRICORNUSNAN

Atardi y anochi ta e mehor momentonan pa hanja informacionnan dese. Y tambe pa tende emocionan intere ente.

ACUARIUSNAN

Influencia favorable ta primiti gashiti door di atencion, meho racio di posesion comu. Ponetino riba tur loque bo tin di regl en atencion.

PISES

Evita tur loque por trece motibo di desconfianza di bo trabao y interesan di bo salud.



E rumannan Kozmin, cu antes tabata na Chicago, III, a reuni cu nan mayornan na nan yegada na Moscow. Huez na Chicago a disidi cu e muchanan mester a bolbe serca nan mayornan, kende algun tempo pasa a sali di Merca bai Rusia lagando nan junan atras.